

PRAVILA UČEŠĆA U AKTIVNOSTIMA U OKVIRU KAMPANJE

“Naše mjesto za početak festivala”

1. Organizator aktivnosti

Organizator aktivnosti je društvo Bingo d.o.o. Tuzla, sa sjedištem na adresi Bosanska poljana bb, Tuzla (u daljem tekstu: Organizator).

2. Trajanje aktivnosti i period prijave

Aktivnosti u okviru kampanje “Naše mjesto za početak festivala” realizuju se u periodu od 15. do 22. augusta 2025. godine.

- Prijave za aktivnosti “Get ready with me” i “Najbolji balkon u gradu” otvorene su od 4. do 21. augusta 2025. godine.

- Prijave za aktivnost “Koncert Amire Medunjanin” otvorene su od 4. do 15. augusta 2025. godine.

3. Lokacija aktivnosti

- “Get ready with me” i “Najbolji balkon u gradu” održavaju se u stanu na adresi Obala 12, Sarajevo.

- Koncert Amire Medunjanin održava se na Festivalском trgu, Branilaca Sarajeva 12, Sarajevo.

4. Pravo učešća

Pravo učešća imaju sve punoljetne osobe sa prebivalištem u Bosni i Hercegovini.

Zaposlenici Organizatora, kao i članovi njihovih užih porodica, nemaju pravo učešća.

5. Način prijave i selekcije učesnika

Prijava za sve aktivnosti vrši se isključivo putem Google forme koja je dostupna na web stranici www.bingobih.ba.

Svaka aktivnost ima posebno definisan način prijave i kriterij selekcije:

a) “Get ready with me”

Učesnici se prijavljuju za druženje s influencerima (mogu odabrati jednog ili više). U prijavi je potrebno ispuniti formu u cjelosti, koristeći tačne i potpune podatke, te navesti motivaciju za prijavu. Na osnovu iskazanog entuzijazma, kreativnosti i motivacije, organizator u saradnji s influencerima vrši odabir učesnika.

b) “Najbolji balkon u gradu”

U prijavi je potrebno navesti osobu koju želite povesti sa sobom i ukratko objasniti zašto baš ona zasluđuje ovo posebno festivalsko iskustvo. Selekcija se vrši prema kreativnosti i posebnosti

prijava.

c) "Koncert Amire Medunjanin"

Učesnici odgovaraju na pitanje: "Šta za tebe znače riječi 'Naše mjesto'?" Organizator bira najkreativnije odgovore, a autori izabranih prijava osvajaju po dvije pozivnice za koncert.

6. Opis aktivnosti i broj učesnika

- "Get ready with me" – do 3 učesnika dnevno. Aktivnost uključuje biranje outfita iz Bingo ponude uz podršku influencera.
- "Najbolji balkon u gradu" – do 6 učesnika dnevno. Večernje druženje uz večeru koju priprema Neno Cooks.
- Koncert Amire Medunjanin – 40 dobitnika, svako dobija po dvije pozivnice za koncert.

7. Nagrade i pokloni

- "Get ready with me": Učesnici dobijaju na poklon outfit koji su odabrali.
- Ostale aktivnosti: Nisu predviđene dodatne materijalne nagrade.

8. Troškovi

Učesnici samostalno snose troškove dolaska i odlaska s mjesta održavanja aktivnosti.

9. Saglasnost za snimanje i korištenje podataka

Učešćem u aktivnostima, svi učesnici daju izričitu saglasnost da mogu biti fotografisani i snimani te da se njihov lik, glas i izjave mogu koristiti za promotivne aktivnosti Organizatora (društvene mreže, PR sadržaji, video materijali). Također, učesnici daju saglasnost za prikupljanje i obradu ličnih podataka u skladu sa važećim zakonima.

10. Posebne odredbe i izmjene pravila

Organizator zadržava pravo da u bilo kojem trenutku izmijeni ili dopuni ova pravila, kao i da otkaže ili odgodi aktivnosti iz opravdanih razloga. Sve izmjene biće blagovremeno objavljene na www.bingobih.ba.

11. Rješavanje sporova

U slučaju spora između Organizatora i učesnika, nadležan je stvarno nadležni sud u Tuzli.